



# 四庫全書

薈要

【集部】

吉林人民出版社

乾隆  
御覽本

四庫全書薈要

集部  
第七冊

欽定四庫全書薈要

集部  
樊川集卷二


臣王杰詳校  
詳校官助教臣常循

御製讀杜牧樊川集

茂學本工文清辭每出羣雖稱有奇節未覺副高閣錦  
宇常懸壁朱樓喜夢雲

二語照寬  
牧之句

所輸老杜者一飯不



乾隆戊子仲夏

右謹依  
御製詩三集恭錄

欽定四庫全書

樊川集  
御題詩

欽定四庫全書書要

樊川集總目

卷一

賦三首

詩十五首

卷二

詩三十一首

卷三

詩五十九首

卷四

詩七十六首

卷五

詩八十八首

卷六

雜著五首

卷七

欽定四庫全書

樊川集  
總目

雜著七首

卷八

序四首

記六首

卷九

書七首

卷十

書九首

卷十一

表九首

狀十四首

卷十二

啟十三首

卷十三

制二十首

卷十四

欽定四庫全書

樊川集  
總目

制二十二首

卷十五

制二十七首

卷十六

制二十九首

卷十七

祭文七首

行狀二首

欽定四庫全書

樊川集  
總目

卷十八

誌銘三首

卷十九

誌銘四首

卷二十

誌銘八首

外集

詩九十三首

別集

詩五十二首

臣等謹案樊川文集二十卷外集一卷別集

一卷唐杜牧撰牧字牧之京兆萬年人官至

中書舍人事蹟具唐書本傳是集為其甥裴

廷翰所編唐藝文志作二十卷而晁氏讀書

志又載外集一卷新城王士禎謂舊藏杜集

止二十卷後見宋版本雕刻甚精而多敦卷

欽定四庫全書

樊川集  
總目

考劉克莊後村詩話云樊川有續別集三卷

十八九皆許渾詩牧仕宦不至南海而別集

乃有南海府罷之作則宋本外集之外又有

續別集三卷此本僅附外集別集各一卷較

之後村所見別集尚少二卷而南海府罷之

作不收焉則又經後人刪定非克莊所見之

本矣牧嘗稱元白歌詩傳播使子父女母交

口誨淫恨吾無位不得以法繩之其持論甚

峻後村詩話則謂牧風情不淺如杜秋娘張  
好好諸詩青樓薄倖之句街更平安之報未  
知去元白幾何凡之以燕伐燕是亦公論然  
牧詩風骨實出元白之上其古文縱橫與衍  
罪言一篇宋祁作新唐書藩鎮傳論實全錄  
之亦非元白所可及也乾隆四十二年二月  
恭校上

總纂官<sub>臣</sub>紀昀<sub>臣</sub>陸錫熊<sub>臣</sub>孫士毅

總校官<sub>臣</sub>陸費墀

樊川集原序

長安南下杜樊鄉鄆元注水經實樊川也延翰外曾祖  
司徒岐公之別墅在馬上五年冬仲舅自吳興守拜考  
功郎中知制誥盡吳興俸錢創治其墅出中書直亟召  
昵密往遊其地一旦談劇酒酣顧延翰曰司馬遷云自  
古富貴其名磨滅者不可勝紀我適稚走於此得官受  
俸再治完具俄及老為樊上翁既不自期富貴要有數  
百首文章異日爾為我序號樊川集如此顧樊川一禽  
魚一草木無恨矣庶千百年未隨此磨滅邪明年冬遷  
中書舍人始少得恙盡搜文章閱千百紙擲然之纔屬  
留者十二三延翰自撮髮讀書學文率承導誘伏念始  
初出仕入朝三直太史筆比四出守其間逾二十年凡  
有撰制大手短章塗藁醉墨碩夥纖屑雖適僻阻不遠  
數千里必獲寫示以是在延翰久藏蓄者甲乙籤目比  
校熱外十多七八得詩賦傳錄論辯碑誌序記書啓表  
制離為二十編合為四百五十首題曰樊川文集嗚呼

雖當一時戲感之言孰見魄兆而果驗白耶嘻文章與政通而風俗以文移在三代之道以文與忠敬隨之是為理具與運高下探採古作者之論以屈原宋玉賈誼司馬遷相如揚雄劉向班固為世魁傑然騷人之辭怨刺憤懣雖援及君臣教化而不能露洽時論相如子雲瑰麗詭變諷多要寡漫羨無歸不見治亂賈馬劉班乘時君之善否直豁已臆奮然以拯世扶物為任纂緒造端必不空言言之所及則君臣禮樂教化賞罰無不包

馬竊觀仲舅之文高騁曼厲旁紹曲撫絜簡渾圓勁出橫貫滌濯滓穢支立欹倚呵摩駁瘡如火照馬爬梳痛痒如水洗焉其抉剔挫偃敢斷果行若誓牧野前無有敵其正視嚴聽前衡後鑒如整冠裳祇謁宗廟其聒聒爆聾迅發不慄若大呂勁鳴洪鍾橫撞撐裂噓嚙憂切韶護其砭熨嫉害堤障初終若濡槁於未赫膏癰於未穿裁培教化翻正治亂變醺養瘠堯釀舜薰斯有意趨賈馬劉班之藩牆者耶其文有罪言者原十六衛者戰

守二論者與時宰論用兵論江賊二書者上獵秦漢魏晉南北二朝逮貞觀至長慶數千百年兵農刑政措置當否皆能採取前事凡人未嘗經度者若繩裁刀解粉畫線織布在眼見耳聞下其譎往事則阿房宮賦刺當代則感懷詩有國欲亡則得一賢人決遂不亡則張保臯傅尚古兵柄本出儒術不專任武力者則注孫子而為其序褒勸賢傑表揭職業則贈莊淑大長公主及故丞相奇章公汝南公墓誌標白厯代取士得才率由公

族子弟為多則與高大夫書諫諍之體非許醜惡與主鬪激則論諫書若一縣宰因行德教不施刑罰能舉古風則謝守黃州表一存一亡適見交分則祭李處州文訓勵官業告東君命擬古典謨以寓誅賞則司帝之誥其餘述喻讚誠興諷愁傷易格異狀機鍵雜發雖繇遠窮幽醲腴魁壘筆酣句健宛眇碎細包詩人之軌憲整揚馬之衙陣聳曹劉之骨氣撥顏謝之物色然未始不撥斲治本緼幅道義鈎索於經史駢禦於理化也故文

中子曰言文而不及理是天下無文也王道何從而興乎嘻所謂文章與政通而風俗以文移果於是以卜盛時理具踔三代而蔭萬古若躋太華臨溟渤但觀乎積高而沓深不知其磅礴澶漫所為遠大者也近代或序其文非有名與位則文學宗老小子既就其集寐寤思慮顛倒反覆不翅逾年苟陸承顧付與之言雖晦顯兩不相解在他人無知狀者然以高有天幽有神陰有宰物者可自抵誣以甘罰殛邪故總條目強自作序至於

欽定四庫全書

樊川集  
原序

四

裁列風雅宰制典型標翼時濟物之才編志業名位之實則恭俟叔父中書公於前序將仕郎守京兆府藍田縣尉充集賢殿校理裴延翰撰

樊川集卷一

唐 杜牧 撰

賦

阿房宮賦

六王畢四海一蜀山兀阿房出覆壓三百餘里隔離天日驪山北構而西折直走咸陽二川溶溶流入宮牆五步一樓十步一閣廊腰縵迴簷牙高啄各抱地勢鉤心鬬角盤盤焉囷囷焉蜂房水渦矗<sup>勅六切</sup>不知乎幾千萬落長橋卧波未雲何龍複道行空不霽何虹高低冥迷不知西東歌臺暖響春光融融舞殿冷袖風雨淒淒一日之內一宮之間而氣候不齊妃嬪媵牆王子皇孫辭樓下殿革來於秦朝歌夜絃為秦宮人明星熒熒開粧鏡也綠雲擾擾梳曉鬟也渭流漲膩棄脂水也烟斜霧橫焚椒蘭也雷霆乍驚宮車過也輾輾遠聽杳不知其所之也一肌一容盡態極妍縵立遠視而望幸焉有不

欽定四庫全書

樊川集  
卷一

得見者三十六年燕趙之收藏韓魏之經營齊楚之精  
英幾世幾年剽掠其人倚疊如山一旦有不能輸來其  
間鼎鑪玉石金瓊珠璣棄擲遷迤秦人視之亦不甚惜  
嗟乎一人之心千萬人之心也秦愛紛奢人亦念其家  
奈何取之盡錙銖用之如泥沙使負棟之柱多於南畝  
之農夫架梁之椽多於機上之工女釘頭磷磷多於在  
庾之粟粒瓦縫參差多於周身之帛縷直欄橫檻多於  
九土之城郭管絃嘔啞多於市人之言語使天下之人  
不敢言而敢怒獨夫之心日益驕固戍卒叫函谷舉楚  
人一炬可憐焦土嗚呼滅六國者六國也非秦也族秦  
者秦也非天下也嗟乎使六國各愛其人則足以拒秦  
使秦復愛六國之人則遞三世可至萬世而為君誰得  
而族滅也秦人不暇自哀而後人哀之後人哀之而不  
能鑑之亦使後人而復哀後人也

望故園賦

余固秦人兮故園秦地念歸途之幾里訴余心之未歸

欽定四庫全書

樂川集  
卷一

三

兮雖繫日而安至既操心之大謬欲當時之秦技技固  
薄兮宣易售矧將來之歲幾人固有尚珠金印節人固  
有為背憎面悅擊短扶長曲邀橫結吐片言兮千口莫  
窮觸一機而百闕俱發嗟小人之顛蒙兮尚何念於逸  
越余之思歸兮走杜陵之西道巖曲天深地平木老隴  
雲秦樹風高霜早周臺漢園斜陽暮草寂寥四望蜀峰  
聯嶂慈龍氣佳蟠聯地壯繚粉堞於綺城蠹未央於天  
上月出東山苔扉向闕長烟萼惹寒水注灣遠林雞犬  
兮樵夫夕還織有桑兮耕有土昆令季強兮鄉黨附悵  
余心兮捨茲而何去憂豈無念念至謂何憤悵悵情願  
我則多萬世在上兮百世在後中有一生兮孰為壽天  
生既不足以紉佩兮顧他務之纖小賦言歸兮余心忘  
世徒為兮紛擾

晚晴賦  
并序

秋日晚晴樊川子目於郊園見大者小者有狀類者故  
書賦云

欽定四庫全書

樂川集  
卷一

三

雨晴秋容新沐兮忻遠園而細履面平池之清空兮紫  
閣青橫遠來照水如高堂之上見羅幕兮垂乎鏡裏木  
勢黨伍兮行者如迎僊者如醉高者如達低者如跂松  
數十株切切交峙如冠劍大臣國有急難庭立而議竹  
林外裏兮十萬丈夫甲刃縱縱七恭切密陣而環侍豈負  
軍令之不敢驚兮何意氣之嚴毅復引舟於深灣忽八  
九之紅芰姍然如婦欽然如女墮藥驍顏似見放棄白  
鷺潛來兮逸風標之公子窺此美人兮如慕悅其容媚  
乎

欽定四庫全書

蘇州集  
卷一

四

詩

五言古

感懷  
時滄州用兵

高文會隋季提劍徇天意扶持萬代人步驟三皇地聖  
云繼之神神仍用文治德澤酌生靈沉酣薰骨髓旋頭  
騎箕尾風塵薊門起胡兵殺漢兵屍滿咸陽市宣皇走  
豪傑譚笑開中否蟠聯兩河間爐萌終不弭號為精兵  
處齊蔡燕趙魏合環千里疆爭為一家事逆子嫁虜孫  
西鄰聘東里急熱同手足唱和如宮徵法制自作為禮  
文爭借擬壓階螭鬬角畫屋龍交尾署紙日替名分財  
賞稱賜剗隍畝呼怙切萬尋繚垣疊千雉垂將付孱孫血  
絕然方已九廟仗神靈四海為輸委如何七十年汗艱  
含羞恥韓彭不再生英衛皆為鬼凶門爪牙輩穰穰如  
兒戲累聖但日吁閭外將誰寄屯田數十萬隄防常惴  
惴急征赴軍須厚賦資凶器因隳畫一法且逐隨時利  
流品極蒙尤網羅漸離弛夷狄日開張黎元愈憔悴邈  
矣遠太平蕭然盡煩費至於貞元末風流恣綺靡艱極  
泰循來元和聖天子元和聖天子英明湯武上茅茨覆  
宮殿封章綻帷帳伍旅拔雄兒夢卜庸真相勃雲走轟

欽定四庫全書

蘇州集  
卷一

五

霆河南一平盪繼於長慶初燕趙中興機携妻負子來  
北闕爭頓顙故老扶兒孫爾生今有望如鯁喉尚隘負  
重力未壯坐幄無奇兵吞舟漏疎網骨添薊垣沙血漲  
滄沱浪祇云徒有征安能問無狀一日五諸侯奔亡如  
鳥往取之難梯天失之易反掌蒼然太行路翦翦還榛  
莽關西賤男子誓肉虜杯羹請數係虜事誰其為我聽  
蕩蕩乾坤大曠曠日月明叱起文武業可以豁洪溟安  
得封域內長有扈苗征七十里百里彼亦何常爭往往  
念所至得醉愁蘇醒韜舌辱壯心叫闌無助聲聊書感  
懷韻焚之遺賈生

郡齋獨酌

黃州作

前年鬢生雪今年鬢帶霜時節序鱗次古今同鴈行甘  
英窮西海四萬到洛陽東南我所見西北計幽荒中畫  
一萬國角角綦布方地頑壓不穴天迴老不僵屈指百  
萬世過如霹靂忙人生落其內何者為彭殤促束自繫  
縛儒衣寬且長旗亭雪中過敢問當爐娘我愛李侍中

欽定四庫全書

樂川集

六

標標七尺強白羽八扎弓脰壓綠檀槍風前略橫陣紫  
髯分兩傍淮西萬虎士怒目不敢當功成賜宴麟德殿  
援起鵲掠廣球場三千宮女側頭看相排踏碎雙明璫  
旌竿慄慄旗燿燿意氣橫鞭歸故鄉我愛朱處士三吳  
當中央罷亞名百頃稻西風吹半黃尚可活鄉里豈唯  
滿園倉後籟翠撲撲前溪碧泱泱霧曉起鳬鴈日晚下  
牛羊叔舅欲飲我杜夔爾來嘗伯姊子欲歸彼亦有壺  
漿西阡下柳塢東陌遠荷塘姻親骨肉舍烟火遙相望  
太守政如水長官貪似狼征輸一云畢任爾自存亡我  
昔造其室羽儀驚鶴翔交橫碧流上竹映琴書牀出語  
無近俗堯舜禹武湯問今天子少誰人為棟梁我曰天  
子聖晉公提紀綱聯兵數十萬附海正誅滄謂言大義  
小不義取易卷席如探囊犀甲兵關弓弩蛇矛燕騎  
馳鋒鏃豈知三載幾百戰鉤軍不得望其牆答云此山  
外有事同胡虜誰將國伐叛話與釣魚郎溪南重迴首  
一徑出修篁爾來十三歲斯人未曾忘往往自撫已淚

欽定四庫全書

樂川集

七

下神蒼茫御史詔分洛舉止何猖狂闕下諫官業拜疏  
無文章尋僧解幽夢乞酒緩愁腸豈為妻子計未去山  
林藏平生五色線願補舜衣裳絃歌教燕趙蘭芷浴河  
湍腥膻一掃灑光狠皆披攘生人但眠食壽域富農桑  
孤吟志在此自亦笑荒唐江郡雨初霽刀好截秋光池  
邊成獨酌攤鼻菊枝香醺酣更唱太平曲仁聖天子壽  
無疆

張好好詩 并序

欽定四庫全書

樊川集  
卷一

牧太和三年佐故吏部沈公江西幕好好年十三始以  
善歌來樂籍中後一歲公移鎮宣城復置好好於宣城  
籍中後二歲為沈著作作述師以雙鬟納之後二歲於  
洛陽東城重觀好好感舊傷懷題詩贈之

君為豫章姝十三繞有餘翠茁鳳生尾丹葉蓮含附高  
閣倚天半章江聯碧虛此地試君唱特使華筵鋪主公  
顧四座始訝來踟躕吳娃起引臂低徊映長裾雙鬟可  
高下繞過青羅襦盼盼乍垂袖一聲離鳳呼繁絃迸關

袖塞管列圓蘆衆音不能逐裊裊穿雲衢主公再三嘆  
謂言天下殊贈之天馬錦副以水犀梳龍沙看秋浪明  
月逐東湖自此每相見三日已為疎玉質隨月滿艷態  
逐春舒絳脣漸輕巧雲步轉虛徐旌旆忽東下笙歌隨  
舳艫霜凋謝樓樹沙暖句溪蒲身外任塵土樽前極歡  
娛飄然集仙客著作嘗任  
集賢校理諷賦欺相如聘之碧瑤珮載  
以紫雲車洞閉水聲遠月高蟾影孤爾來未幾歲散盡  
高陽徒洛城重相見婢婢為當爐怪我苦何事少年垂  
初斜日掛衰柳涼風生座隅灑盡滿衿淚短歌聊一書  
冬至日寄小姪阿宜

欽定四庫全書

樊川集  
卷一

小姪名阿宜未得三尺長頭圓筋骨緊兩臉明且光去  
年學官人竹馬遠四廊指揮羣兒輩意氣何堅剛今年  
始讀書下口三五行隨兄旦夕去斂手整衣裳去歲冬  
至日拜我立我旁祝爾願爾貴仍且壽命長今年我江  
外今日生一陽憶爾不可見祝爾傾一觴陽德比君子

初生甚微茫排陰出九地萬物隨開張一似小兒學日  
 就復月將勤勤不自己二十能文章仕宦至公相致君  
 作堯湯我家公相家劔珮嘗叮嚀舊第開朱門長安城  
 中央第中無一物萬卷書滿堂家集二百編上下馳皇  
 王多是撫州寫今來五紀強尚可與爾請助爾為賢良  
 經書刮根本史書閱興亡高摘屈宋艷濃薰班馬香李  
 杜泛浩浩韓柳摩蒼蒼近日四君子與古爭強梁願爾  
 一祝後讀書日日忙一日讀十紙一月讀一箱朝廷用  
 欽定四庫全書  
 文治大開官職場願爾出門去取官如驅羊吾兄苦好  
 古學問不可量晝居府中治夜歸書滿床後貴有金玉  
 必不為汝藏崔昭生崔芸李兼生窟即堆錢一百屋破  
 散何披猖今雖未即死餓凍幾欲僵參軍與縣尉塵土  
 驚動勸一語不中治咎寧身滿瘡官罷得絲髮好買百  
 樹桑稅錢未輸足得米不敢嘗願爾聞我語惟喜入心  
 腸大明帝宮闕杜曲我池塘我苦自潦倒看汝爭翱翔  
 總語諸小道此詩不可忘

李甘詩

太和八九年訓注極魑虎潛身九地底轉上青天去四  
 海鏡清澄千官雲片縷公私各閒暇追遊日相伍豈知  
 禍亂根枝葉潛滋莽九年夏四月天誠若言語裂風駕  
 地震擗雷驅猛雨夜於正殿階拔去千年樹吾君不醒  
 覺二凶日威武操持北斗柄開閉天門路森森明庭士  
 縮縮循牆鼠平生負名節一旦如奴虜指名為錮黨狀  
 跡誰告訴喜無李杜誅敢憚髡鉗苦時當秋夜月日直  
 欽定四庫全書  
 日庚午喧喧皆傳言明晨相登注子時與和鼎官班各  
 持斧和鼎顧予云我死有處所當庭裂詔書退立須鼎  
 俎君門曉日開緒案橫霞布儼雅千官容勃鬱吳瓘怒  
 適屬命麟將趙昨之傳者誤明日詔書下謫斥南荒去  
 夜登青泥坂墜車傷左股病妻尚在床稚子初離乳幽  
 蘭思楚澤恨水啼湘渚怆怆三閭魂悠悠一千古其冬  
 三兇敗渙汗開湯暑賢者須喪亡讒人尚堆堵子於後  
 四年諫官事明主常欲雪幽冤於時一禪補拜章豈艱

難膽薄多憂懼如何千斗氣竟作炎荒土題此涕滋筆  
以代投湘賦

洛中送異處士東遊

處士有儒術走可挾車輶壇宇寬帖帖符彩高茵茵不  
愛事耕稼不樂干王侯四十餘年中迢迢為浪遊元和  
五六歲客於幽魏州幽魏多壯士意氣相淹留劉濟願  
跪履田興請建籌處士拱兩手笑之但掉頭自此南走  
越尋山入羅浮願學不死藥粗知其來由却於童頂上

欽定四庫全書

卷一

蕭蕭玄髮抽我作八品吏洛中如繫囚忽遭異處士豁  
若登高樓拂榻與之坐十日語不休論今星燦燦考古  
寒飈飈治亂掘根本蔓延相牽鉤武事何駿壯文理何  
優柔顏回捧俎豆項羽橫戈矛祥雲繞毛髮高浪開咽  
喉但可感鬼神安能為獻酬好入天子夢刻象來爾求  
胡為去吳會欲浮滄海舟贈以蜀馬箠副之胡罽裘餞  
酒載三斗東郊黃葉稠我感有淚下君唱高歌酬嵩山  
高萬尺洛水流千秋往事不可問天地空悠悠四百年

炎漢三十代宗周二三里遺堵八九所高丘人生一世  
內何必多悲愁譚閱解攜去信非吾輩流

送沈處士赴薊州李中丞招以詩贈行

山城樹葉紅下有碧溪水溪橋向吳路酒旗誇酒美下  
馬此送君高譚為君醉念君苞材能百工在城壘空山  
三十年鹿裘掛牕睡自言隴西公飄然我知已舉酒屬  
吳門今朝為君起懸弓三百斤囊書數萬紙戰賊即戰  
賊為吏即為吏盡我所有無惟公之指使子曰隴西公

欽定四庫全書

卷一

滔滔大君子常思掄羣材一為國家治譬如匠見木礙  
眼皆不棄大者麓十圍小者細一指楸檟與棟梁施之  
皆有位忽然豎明堂一揮立能致予亦何為者亦受公  
恩紀處士常有言殘虐為犬豕常恨兩手空不得一馬  
箠今依隴西公如虎傳兩翅公非刺史材當坐巖廊地  
處士魁竒姿必展平生志東吳饒風光翠嶽多名寺疎  
烟疊疊秋獨酌平生思因書問故人能忘批紙尾公或  
憶姓名為說都憔悴

長安送友人遊湖南

子性劇弘和愚衷深徧猶相舍器說中吾過何由鮮楚  
南饒風烟湘岸苦縈宛山客夕陽多人稀芳草遠青梅  
繁枝低班筍新梢短莫哭蔡魚人酒醒且眠飯

雪中書懷

臘雪一尺厚雲凍寒頑癡孤城大澤畔人疎烟火微憤  
悵欲誰語憂慍不能持天子號神聖任賢如事師凡稱  
曰治具小大無不施明庭開廣敞才雋受羈維如日月

欽定四庫全書

樊川集  
卷一

四

軀昇若鸞鳳嚴凝人才自朽下棄去亦其宜北虜壞亭  
障聞屯千里師牽連久不解他盜恐旁窺臣實有長策  
彼可徐鞭笞如蒙一召議食肉寢其皮斯乃廟堂事爾  
微非爾知向來蹤等語長作陷身機行當臘欲破酒儕  
不可遲且想春候暖甕間傾一卮

雨中作

賤子本幽傭多為雋賢侮得州荒僻中更值連江雨一  
褐擁秋寒小牕侵竹塢濁醪氣色嚴暗腹瓶甕古酣酣

天地寬悅悅稽劉伍但為適性情豈是藏鱗羽一世一  
萬朝朝朝醉中去

偶遊石盞僧舍

宣州作

敬岑草浮光句沚水解脈益鬱乍怡融凝嚴忽顛圻梅  
類暖眠酣風緒和無力

五字絕妙  
填詞料

鳬浴漲汪汪雛嬌村

羃羃落日美樓臺輕烟飾阡陌漱綠古津遠積潤苔基  
濕孰謂漢陵人來作江汀客載筆念無能捧籌慙所畫  
任轡偶追閒逢幽果遭適僧語淡如雲塵事繁堪織今

欽定四庫全書

樊川集  
卷一

五

古幾輩人而我何能息

赴京初入汴口晚景即事寄兵部李郎中

清淮控隋漕北走長安道檣形櫛櫛斜浪態迤迤好初  
旭紅可染明河澹如掃澤潤鳥來遲村饑人語早

通露

蔓蟲絲多風蒲燕雛老秋思高蕭蕭客愁長裊裊因懷

京洛間宦遊何戚草卒伍持津梁瀕湧爭追討鞠便詎  
可尋幾秘安能考小人乏馨香上下將何禱惟有君子  
心顯豁如幽抱

獨酌

長空碧杳杳萬古一飛鳥生前酒伴閒愁醉閒多少烟  
深隋家寺殷葉暗相照獨佩一壺遊秋毫泰山小

惜春

春半年已除其餘強為有即此醉殘花使同嘗臘酒悵  
望送春杯殷勤掃花帚誰為駐東流年年長在手

題安州浮雲寺樓寄湖州張郎中

去夏疎雨餘同倚朱欄語當時樓下水今日到何處

欽定四庫全書

樊川集

樓下水正是恨如春草多事與孤鴻去楚岫柳何窮別  
深於懷人處

愁紛若絮

樊川集卷一

樊川集卷二

唐杜牧撰

五言古

律詩

華清宮

玄宗如驪山改  
溫泉宮為華清

繡嶺明珠殿層巒下綠牆仰窺雕檻影猶想赭袍光昔  
帝登封後中原自古強一千年際會三萬里農桑几席  
延堯舜軒墀立禹湯雷霆馳號令星斗煥文章鈞築乘

欽定四庫全書

樊川集

時用芝蘭在處芳北扉閒木索南面富循良至道思玄  
圃平居厭未央鈞陳裴巖谷文陛壓青蒼歌吹千秋節  
樓臺八月涼神仙高縹緲環珮碎叮嚀泉暖涵臆鏡雲  
嬌惹粉囊嫩嵐滋翠葆清渭照紅粧帖泰生靈壽惟娛  
歲序長月聞仙曲調霓作舞衣裳雨露偏金穴乾坤入  
醉鄉玩兵師漢武迴手倒干將鯨鬣掀東海胡牙揭上  
陽喧呼馬嵬血零落羽林槍傾國留無路還魂怨有香  
蜀峰橫慘澹秦樹遠微茫鼎重山難轉天扶業更昌望

賢餘故老花夢舊池塘往事人誰問幽襟淚獨傷碧簷

斜送日殷葉半凋霜迸水傾瑤砌疎風罇玉房塵埃獨

鼓索片段荔枝筐鳥啄摧寒木蝸涎蠹盡梁孤烟知客

恨遙起秦陵傍

許七侍御棄官東歸瀟灑江南頗聞自適高秋企

望題詩寄贈

天子繡衣吏東吳美退居有園同庚信避事學相如蘭

晚晴香嫩筠溪翠影疎江山九秋後風月六朝餘錦肆

欽定四庫全書

樊川集  
卷二

開詩軸青囊結道書霜巖紅薜荔露沼白芙蓉睡雨高

梧密茶燈小閣虛凍醪元亮秫寒鱸季鷹魚塵意迷今

古雲情識卷舒他年雪中棹陽羨訪吾廬於義興縣近有水榭

題永崇西平王宅太尉懋院

天下無雙將闕西第一雄授符黃石老學劒白猿翁矯

矯雲長勇恂恂却殺風家呼小太尉國號大梁公太尉李弟

司徒聽亦封梁國公半夜龍驤去中原虎穴空隴山兵十萬嗣子

握琯弓今鳳翔李尚書太尉長子

杜秋娘詩并序

杜秋金陵女也年十五為李錡妾後錡叛滅籍之入宮

有寵於景陵穆宗即位命秋為皇子傅姆皇子壯封漳

王鄭注用事誣丞相欲去已者指王為根王被罪廢削

秋因賜歸故鄉子過金陵感其窮且老為之賦詩

京江水清滑生女白如脂其間杜秋者不勞朱粉施老

淖即山鑄後庭千雙眉秋持玉竿醉與唱金縷衣李錡長唱

衣辭淖既白首叛秋亦紅淚滋吳江落日渡瀟岸綠楊

欽定四庫全書

樊川集  
卷二

垂聯裾見天子盼普見反眇莫見反獨依依椒壁懸錦幕鏡

蒼蟠蛟螭低鬟認新寵窈窕復融怡月上白壁門桂影

灑參差金階露新重閒捻紫蕭吹晉書盜開涼州張駿得紫玉蕭莓

苔夾城路南苑鴈初飛紅粉羽林仗獨賜辟邪旗歸來

煮豹胎饜飫不能飴咸池昇日慶銅雀分香悲雷音後

車逮事往落花時燕襟得皇子壯髮綠綰綰畫堂授傅

姆天人親捧持虎睛珠落襟金盤犀鎮帷長楊射熊羆

武帳弄啞呖漸拋竹馬劇稍出舞雞奇嶄嶄整冠珮侍